

弘

簡

錄

弘簡錄卷一百七十四

明刑部員外郎仁和弘齋邵經邦學

皇清翰林院侍講學士四世孫選平校閱

系屬 宋八之二

太宗子

元佐

元僖

元份

元傑

孫允讓

宗懿

宗諲

宗駟

宗晟

仲師

宗愈

宗彝

宗楚

宗祐

宗漢

仲安

仲理

仲提

不燦

不燦

不燦

不燦

不燦

不燦

英宗子

顯

神宗子

僖

徽宗子

楷

楷

欽宗子

訓

高宗子

男

孝宗子

楷

寧宗子

茲

太宗九子早亡者一長元佐字惟吉初名德崇少聰警貌類上

以長嫡特鍾愛之年十三從獵兎起一發而獲契丹使在側驚

異之從征太原幽薊太平興國七年出居內東門別第拜檢校

太傅同中書門下平章事封衛王後徙東宮賜今名加檢校太尉封楚王初秦王徙涪陵元佐獨申救之不聽秦王死遂發狂疾至操挺刃傷侍人久之疾少間帝喜爲赦天下重陽節內宴元佐以疾新愈不與悲曰是棄我也暮被酒縱火焚宮詔捕詣中書劾問廢爲庶人均州安置宋琪率百官三上表請行至黃山名還廢居南宮使者守護救諮議趙齊王邈翊善戴元罪真宗卽位起爲左金吾衛上將軍復封楚王養疾不朝加檢校太師封太山真拜太傅祀汾陰遷太尉中書令加太師尚書令祥符八年再加天策上將軍興元收賜劍履上殿詔書不名天禧元年兼雍州牧仁宗兼江陵牧薨年六十二贈河中鳳翔牧追封齊王諡恭憲以鹵簿鼓吹導至永安陪葬永熙陵明道二年改封潞王又改魏王徽宗改漢王子三人 允升字吉先真

宗賜名元中授右監門衛將軍更賜今名累遷瀘州觀察使封
延安郡公進武寧軍節度觀察留後歷安德建雄安國三軍節
度使卒贈太尉平陽郡王諡懿恭凡升子十三人知名者四宗
禮嘗侍宴大清樓仁宗賦詩命屬和侍射苑中復獻詩終虔州
觀察使成國公贈安遠軍節度使同平章事韓國公子仲翹仲
髦宗旦字子文七歲如成人選伴仁宗讀卽位獲超遷所生母
死請別擇葬域歲時奠祀後著爲令治平中同知大宗正事神
宗拜崇信軍節度使同平章事爲太宗正賜方圓金帶非朝會
得乘肩輿元豐三年封華陰郡王加開府儀同三司掌屬籍十
六年宗子有過優游輔導一善必以聞故時赴朝請給侍率用
私丁宗旦奏請始得從官給薨贈太尉追封滕王諡恭孝聽以
旗節印綬從葬宗悌字元發輕財好施却故相王氏子質帶而

與之錢所親詐取藏鎡得其狀不問生母早世語及之輒吸泣
繪像奉之如生終明州觀察使贈保寧軍節度使同平章事東
陽郡王諡孝憲宗惠終武昌軍節度觀察留後江夏郡王贈荆
王 允言累官左屯衛將軍坐託疾不朝降太子左衛率府率
又坐悖慢無禮貶副率歷左監門衛大將軍黃州刺史卒贈明
州觀察使奉化侯明道二年加贈安遠軍節度使密國公允言
子四人長宗說神宗求魏王後封爲祁國公坐帷薄除名子仲
旻官右武衛大將軍道州刺史卒贈同州觀察使薦翊侯次宗
主襲封從張揆學春秋侍宴清樓賦稞王詩先成仁宗稱善
賜飛白書旌其文雅終武寧軍節度觀察留後贈昭信軍節度
使同平章事南康郡王子仲來嗣終金州刺史子不儼嗣卒子
彥清襲爵奉漢王祀宗育終右屯衛將軍廂瀨川防禦使汝陰

侯允成終右神武將軍濮州防禦使贈安化軍節度使邠國公明道二年加贈鎮江軍節度使兼侍中子宗顏宗訥宗鼎宗嚴宗魯宗儒宗奭皆爲環衛刺史

元偁初名德明出閣授檢校太保同平章事廣平郡王八年進封陳王改名元祐雍熙二年任開封尹兼侍中改今名進封許王加中書令娶李謙溥女封夫人淳化二年度支判官宋沆等五人伏閣請立爲皇太子上以諸子幼中待其成人自有裁制言者不諒此心遂皆貶之二年十一月己亥早朝忽得疾車駕臨視少頃薨上哭之慟廢朝五日贈皇太子諡孝恭爲人姿貌雄毅沈靜寡言尹京五年政事無失帝追念不已作思子詩示近臣未幾有言爲嬖妾張氏所惑者上怒通判呂端推官陳載坐褫贊有失黜階官諮議趙令圖侍講問象輔導無狀削兩秩

詔停冊禮以一品鹵簿葬真宗復太子號收諡昭成無子仁宗
立允成子宗保爲孫七歲授左侍禁詔朔望出入禁省累官代
州防禦使襲封燕國公性仁恕嘗書忍字座右以爲戒卒神宗
臨薨子仲鞠泣曰先臣幼養宮中終身不自言帝感悼優贈靜
難軍節度使新平郡王諡恭靜長子仲恕嗣官至忠州團練使
諡純僖子士盍嗣仲鞠亦好學能詩事親以孝聞

元份初名德嚴出閤改元俊拜同平章事封冀王雍熙三年改
今名加兼侍中威武軍節度使封越王淳化中兼領建寧寧海
鎮東三軍真宗加中書令徙鎮永興鳳翔改王雍永熙復土爲
山陵使拜太傅幸澶淵留守東京遇暴疾薨年三十七贈太師
尚書令累追鄆陳潤三王治平中加封魯王徽宗改商王爲人
寬厚言動中禮標望偉如娶李漢斌女悍酷不道上不欲顯其

罪削國封置之別所予三人 允寧字德之幼嗜學喜讀史
通知近朝典故宗虞世南楷法真宗賜詩激賞嘗侍射破的賜
金帶器幣初授右千牛衛將軍四遷右武衛歷唐州團練潁州
防禦同州觀察彰信武定節度觀察留後等使性至孝因父疾
恍惚失常卒贈太尉封安信郡王諡僖簡子宗諤嗣封號國公
累官集慶軍節度使同平章事豫章郡王薨贈太尉加韓王諡
榮恩弟宗肅嗣封魯國公終安化軍留後以書從英宗入慶寧
優贈鎮國軍節度使開府儀同三司北海郡王子仲先嗣頗涉
書傳徽宗改封商國公終寧遠軍節度使右千牛衛大將軍文
州刺史贈越州觀察使會稽侯 允讓卽濮安懿王英宗父也
見後允中早卒

元傑字明哲初名德和出閤授檢校太保同平章事封益王改

今名端拱初加兼侍中成都尹劍南西川節度使淳化中徙吳王領楊潤大都督府長史淮南鎮江軍節度使真宗授檢校太尉兼中書令徐州大都督武寧太寧等軍節度使封堯王咸平中再郊皆爲終獻加守太保薨年三十二性穎悟好學善屬詞工草隸飛白建樓貯書萬卷計開帝震悼臨哭廢朝贈太尉尚書令封安王諡文惠追封邢王改陳王徽宗進越王無子以允言子宗望爲後宗望字子國終右武衛大將軍舒州防禦使贈安化軍節度觀察留後高密郡公仁宗嘗御延和殿試宗子書以爲第一又獻所爲文賜國子監書又以塗金紋羅御書好學樂善四字賜之子仲邵嗣封陳國公官至陳州觀察使卒諡良僖子士關嗣因護父喪徒行數百里路人嗟惻卒贈陳州觀察使

元儼字希道出閣授檢校太保左衛上將軍封徐國公累洪州
都督鎮南軍節度使真宗加同平章事封彭城郡王檢校太傅
改節靜難彰化二軍進封寧王郊祀東封悉爲亞獻禮成授檢
校太尉兼侍中護國鎮國等軍節度使請祀后土祠命爲河華
管内橋道頓遞使車駕入境貢方物酒餼金帛藥茗并儀物甚
盛至河中與判府陳堯叟分導乘輿度蒲津橋上登鄆丘亭覽
橋道嚴整喜曰爾之力也王頓首謝還加中書令領成德安國
等軍節度改封相王加守太傅上屢勅宗子以學術儼首冠藩
戚益自修勵每製篇什必令屬和屢幸邸第如家人禮賜襲衣
金帶器幣緡錢天禧元年進太尉兼尚書令又換成德鎮寧二
鎮進封徐王薨年四十二帝臨哭廢朝贈太師封鄧王諡恭懿
王姿表偉異厚重寡言曉音律後改王密與蘇治平中追封韓

王徽宗又改鎮王 子允弼八歲召入禁中仁宗爲皇子御樓
觀酺得與並坐累遷武寧軍節度使兼侍中判大宗正事封北
海郡王英宗拜中書令徙王東平神宗拜太保鳳翔雄武軍節
度使朝朔望以母喪痛毀薨帝臨哭輟朝贈太師尚書令兼中
書令追封相王諡孝定允弼端重時然後言已貴猶日至講席
延伴讀講孟子領宗正三十年與濮王共事宗屬推敬二子宗
績襲封韓國公卒贈南康郡王諡良孝宗景相州觀察使同知
大宗正事事母孝居喪如不能勝居第火宗景急趨家廟抱木
主冒火以出不恤其他元祐中累遷彰德軍節度開府儀同三
司檢校司空封濟陰郡王薨年六十六贈太師循王諡思子仲
磨嗣白平川節度使徙劍南西川

元偁字令聞七歲授檢校太保右衛上將軍涇國公累鄂州都

督武昌軍節度使其宗拜同平章事封安定郡王檢校太傅景德二年郊祀加宣德保寧兩鎮進封舒王封泰山加檢校太尉兼侍中移平江二軍從祀汾陰兼中書令復改鎮南寧國二軍尋拜太保每有大事皆爲終獻體素羸多病幾年三十四廢朝贈太尉尚書令追封曹王諡恭惠後改王華與蔡徽宗又改封楚有集三卷筆札一卷上爲製序藏之秘閣子允則官至右千牛衛大將軍卒無子以平陽懿恭王子宗達爲後熙寧三年襲封蔡國公累武信軍留後薨贈安化軍節度使開府儀同三司高密郡王子仲約嗣

元儼少奇穎太宗特愛之每朝會宴集多侍左右帝不欲令早出宮約二十始就封又因行八故宮中稱爲二十八太保真宗授左衛上將軍曹國公累平海軍節度使同平章事檢校太傅

廣陵郡王封泰山加昭武安德兩軍進封榮王祀汾陰加兼侍
中改節安靜武信兩軍檢校太尉祠太清宮兼中書令坐侍婢
延熾禁中奪武信節降封端王出居故駙馬石宗吉第每見痛
自引過帝憐憫之仍加鎮海安化兩軍封彭王皇子立進太傅
領橫海永清保平定四軍陝州大都督仁宗立徙封定王時
章獻臨朝自以屬尊望重恐爲所忌閤門沉晦不預朝謁太后
崩仁宗益加尊寵拜太保尚書令兼中書令徙節鎮安忠武贊
拜詔書皆不名天聖七年改鎮王賜劍履上殿明道初拜太師
換節河陽三城并武成封孟王歷永興鳳翔京兆三尹雍州鳳
翔二牧改王荆景祐二年授荆南節度大使行荆揚州牧入朝
不趨王賈頊豐頤嚴毅不可犯方陝西用兵歲獻所給公用錢
五十萬以助邊帝不欲拒之聽入其半嘗問翊善王渙曰元昊

平未對曰未也曰如此安用宰相聞者皆崇憚之事母王德妃
孝有疾躬侍藥餌晨夕盥漱焚香以禱至憂念不食及喪哀戚
過人平生寡嗜慾惟喜聚詩爲文詞頗善二王書工飛白凡有
請得報可王必手書謝贖慶曆三年冬大雨雪木冰陳楚尤甚
占曰憂在大臣既而病甚上憂形于色親至臥內調藥屏人與
語久之所對多忠言賜白金固辭帝爲嗟泣薨贈天策上將軍
徐兗二州牧封燕王諡恭肅徽宗改王周比葬上三臨詔以墨
跡及所爲詩分賜宰相餘藏秘閣子十三人九皆早卒 允熙
終右監門衛將軍滁州刺史贈博州防禦使博平侯 允良歷
五節度領寧海平江兩軍同平章事封華原襄陽二郡王兼侍
中至太保中書令薨贈定王子宗絳嗣封吳國公 允迪官耀
州觀察使 允初初名允宗累遷寧國軍節度使同平章事卒

贈中書令博平郡王無子英宗以允成孫仲連爲之後

允讓字益之商王元份子天資渾厚外莊內寬喜愠不見于色始爲右千牛衛將軍真宗子屢薨迎養禁中後生仁宗復送還邸累官衛州刺史天聖中授汝州防禦寧江軍節度使知大宗正事時諸王子孫衆多聚居曉親宅詔使司訓導糾遺失宗子有好學者勉進之不率教者勸戒之至不變始正其罪人莫不畏服慶曆四年拜同平章事封汝南郡王薨年六十五贈太尉中書令追封濮王諡安懿妻王氏譙國夫人韓氏襄國夫人任氏仙遊縣君仁宗無子以王第十三子宗實爲皇子是爲英宗治平元年宰相韓琦等奏請下有司議王及夫人合行典禮時方居仁宗喪詔須大祥後議之二年乃詔禮官與待制以上議翰林學士王珪等奏謹按儀禮喪服爲人後者傳曰何以三年

也。受重者必以尊服服之。爲所後者之祖父母妻妻之。父母昆弟昆弟之子若子。謂皆如親子也。又爲人後者爲其父母。傳曰。何以期不二。斬特重於大宗。降其小宗也。爲人後者爲其昆弟。傳曰。何以大功爲人後者降其昆弟也。先王制禮尊無二上。若恭愛之心分於彼。則不得專於此。故秦漢以來帝王有自旁支入承大統。或推尊其父母以爲帝后。皆見非當時取議後世臣等不敢引以爲聖朝法。况前代入繼者多宮車晏駕之後。援立之策。或由臣下。非如仁宗皇帝年齡未衰。深惟宗廟之重。祇承天地之意。於宗室衆多之中。簡推聖明。授以大業。陛下親爲先帝之子。然後繼體承祧。光有天下。漢王雖有天性之親。顧復之恩。然陛下所以負宸端。見富有四海。子子孫孫萬世相承。皆先帝之德。臣等竊以爲宜準先朝封贈期親尊屬故事。尊以高官。

大國譙國襄國仙遊並封太夫人。攷之古今爲宜。稱奏上中書覆奏。珪等所議未見詳定。漢王當稱何親。名與不名。珪等覆議曰。漢王於仁宗爲兄。皇帝宜稱皇伯而不名。如楚王涇王故事。中書又奏禮與令及五服年月敕。出繼之子。於所繼所生皆稱父母。又漢宣帝光武皆稱父爲皇考。今珪等議稱皇伯。於典禮未有明據。請下尚書省集三省御史臺議。命方下。皇太后手詔詰責執政。於是帝詔以集議不一。權且罷。議令有司博求典故。以問禮官范鎮等。又奏漢之稱皇考。稱帝稱皇。立寢廟。序昭穆。皆非聖明之所當法。宜如前議爲便。自是御史呂誨等彈劾歐陽修首建邪議。琦與曾公亮趙槩附會之罪。因請如珪等議。既而太后內出手詔曰。吾聞羣臣議請皇帝封崇漢王。至今未見施行。吾載閱前史。乃知自有故事。漢王并三夫人。可令皇帝稱

親安懿稱皇夫人並稱后事方施行卽日帝手詔曰稱親之禮謹遵慈訓追崇之典豈易克當且欲以塋爲國卽國立廟俾王子孫主奉祠事翼日呂誨等以所論列不見聽繳納御史詣勅居家待罪上命開門以誥還之誨等力辭臺職而漢議亦廢至元豐二年仍詔稱漢王三夫人並稱王夫人子二十八 宋懿宿州團練使封和國公神宗追封舒王子仲鸞常州防禦使喜翰墨樂施與九族稱賢卒贈武康軍節度使洋國公謚曰良仲汾幼喜書史一讀成誦居喪毀瘠卒官萊州防禦使贈昭化軍節度使榮國公 宗樸爲隴州防禦使封岐國公與英宗友愛初詔英宗入居慶寧宮固辭宗樸率近屬致勸乃入治平中建漢王園廟拜彰德軍節度使封濮國公奉王後神宗加同平章事兼侍中進封濮陽郡王薨贈太師中書令追封定王謚僖穆

子仲佺父歿不食者數日母葬大雪步泥中扶翼道路歎惻終
潤州觀察使贈開府儀同三司 宗詵襲封官至昭化軍節度
使同平章事薨贈太師中書令廣陵郡王諡莊孝 宗暉元豐
中以淮康軍節度使襲濮國公王及夫人改祔命爲誌并題神
主加同平章事開府儀同三司嗣濮陽郡王哲宗改鎮南軍檢
校司徒薨年六十七贈太師追封懷王諡榮穆先是四孟嗣濮
王詣洛享國廟以河南府縣官克亞終獻至宗暉神宗始命以
其子仲璉終獻几侍祠十餘年父喪哀痛不能勝甫服除而卒
官右監門衛大將軍合州刺史 宗晟紹聖元年以武安軍節
度使判大宗正事加檢校司徒嗣濮王薨年六十五贈太師封
昌王諡端孝好古學藏書萬卷仁宗嘉之英宗將郊而雨武議
改卜以訪宗晟對曰陛下初政郊見上帝甚盛禮也至誠感神

在於精意帝嘉納及期果薨帝數被疾密請早建儲貳以係天下之望世稱其忠子仲御自幼不羣通經史多識朝廷典故父喪哲宗起知宗正力辭諒虛位以須累封汝南華原郡王政和中以檢校少傅泰寧軍節度開府儀同三司嗣封天寧節遼使在廷適宰相謁告仲御攝事率百僚上壽若素習者帝每見必加優禮薨年七十一贈太傅追封郇王諡康孝 宗愈紹聖二年以鎮安軍節度使開府儀同三司檢校司徒嗣封屈當時享方蜀英強與以行薨年六十五贈太師追封襄王諡恭愍 宗綽嗣官至河陽三城節度使檢校司徒紹聖三年薨年六十二贈太師追封榮王諡孝靖 宗楚嗣封累拜武勝武昌二軍節度使開府儀同三司封南陽郡王加檢校司徒踰年當詣闕薦獻亦以疾薨贈太師惠王諡僖節 宗祐幼失怙恃克已自約

蕭然若寒士好讀書尤喜學易宗族咸推其賢嘉祐中將以後
從父兄初涕泣固請願終身悲慕不忍棄去仁宗憐而從之累
清海軍節度使開府儀同三司封乘城郡王紹聖四年八月加
檢校司徒嗣濮王時已病薨于祠下贈太師追封欽王謚穆恪
宗漢累拜保寧軍留後鄴國公東陽安康二郡王元符初以
彰德軍節度使開府儀同三司檢校司空嗣封徽宗徙寧江保
平泰寧三鎮判大宗正事累檢校司徒太保太尉大觀中駕幸
濮邸時兄弟皆先物故獨宗漢在恩禮隆煥薨贈太師追封景
王謚孝簡生平善書嘗作八雁圖人稱其工子四人仲偁授右
內率府副率歷右監門衛大將軍武功大夫忠州防禦使知南
外宗正事加檢校少保向德軍節度使生而不慧以次襲封薨
追封瑗王仲增襲封官至彰德軍節度使開府儀同三司薨贈

少師追封簡王諡穆孝仲爰嗣徽宗拜建武節度使爲大宗正
加開府儀同三司封江夏郡王徙節泰寧足武檢校少保少傅
薨年七十贈太保追封恭王仲理嗣靖康初爲安國軍節度使
加檢校少保開府儀同三司北遷詔以楚宋王宗輔子仲湜德
望超越衆推爲嗣 仲湜字巨源初名仲坦熙寧十年授右內
率府副率累遷密州觀察保大軍承宣使欽宗授靖海軍節度
使更今名嘗由漢上率衆徑謁高宗南遷時奉漢王神主寓紹
興府光孝寺加開府儀同三司歷檢校少保少傅紹興元年克
明堂亞獻會罷行在宗正司建睦親院移西外宗正司于福州
命兼判大宗正事薨帝爲輟朝賜其家銀帛追封儀王諡恭孝
爲人善事母喜親圖史子五人士從靖康末爲洛州防禦使建
炎二年同知西外宗正事主管高郵軍宗子招潰卒置屯假江

淮制置使賊李全犯楚州遣部將掩襲敗績遂罷紹興四年遷
涇洪二州觀察使權知漢王閔乞擇利便地奉安神位從之士
街授象州防禦使遷華州觀察使同知太宗正事安慶軍承宣
使主祠事凡十四年上言自軍興以來南班宗子權罷歲賜至
有身歿不能殮者詔復舊制終安慶軍節度士錢官至安慶軍
節度使同知太宗正事士衍官至崇慶軍節度使知西外宗正
事士欽由保康軍節度使襲封加開府儀同三司光宗時進少
傅寧宗又進少師慶元二年薨贈太傅進封諡王秦檜導政罷
襲檜死始以王曾孫士俊襲封除崇慶軍節度使薨贈少師追
封思王諡溫靖 弟士輅紹興二十八年由建州觀察使襲封
授昭化軍節度使時懿王神貌舉安報安寺西掖屋居隘陋許
別營祠堂累加檢校少保少傅少師開府儀同三司賜居第爲

嗣漢王世業除知大宗正事克醴泉觀使薨贈太傅追封安王
玄孫不秬累轉武功郎年七十六襲封除福州觀察使庶官
襲封自此始慶元五年轉武安軍承宣使薨贈開府儀同三司
蔣國公 不墜山武經大夫授利州觀察使襲封開禧初遷寧
遠軍承宣使薨贈開府儀同三司安國公 不儔開禧二年由
安遠軍承宣使襲封除昭慶軍節度使檢校少保薨贈少師高
平郡王 不嫫嘉定十一年由武翼大夫襲封授福州觀察使
薨贈開府儀同三司追封惠國公 不凌父士穉由右千牛衛
大將軍授福州觀察使襲封嘉定十五年遷奉國軍承宣使薨
贈開府儀同三司追封惠國公 不熄寶慶元年襲封授保康
軍承宣使薨善叻嗣淳祐十二年薨善與嗣寶祐三年薨善騰
嗣景定三年薨善咨嗣

英宗四子。顥早亡。徽宗賜名。追封潤王。顥字仲明。初名仲紕。授右內率府副率。和州防禦使。封安樂郡公。轉明州觀察使。進祁國公。治平元年。加檢校太傅。保寧軍節度使。同平章事。封東陽郡王。三年。出問神宗卽位。進封昌王。改岐王。嘗與上侍太皇后。言王安石亂政。上不可。不思。上怒曰。是我壞天下。耶汝合自爲之。顥泣曰。何至是。耶遂不樂而罷。太后崩。服制易。月當除。顥以身爲孫。昔英宗崩。以厭於至尊。不遂終制。情文缺然。請如心喪。須上禪除。卽吉。詔可。官制行。冊拜司空。徙王雍。哲宗加太保。換成德橫海二鎮。徙王揚。贊拜不名。五日一謁禁中。致恭如家人。禮神宗祔廟。仍加太傅。移鎮京兆。鳳翔元祐初。賜第咸宜坊。榜曰親賢車。駕偕三宮臨幸。進太尉。諸子皆賜官。徙王徐。詔書不名。宣仁后疾。每旦入問。亦疾。后崩。乞解官行服。不許。祔廟。進太

師建王冀入朝不趨改節淮南荆南又王楚病益篤帝挾醫視
診薨年四十七帝臨哭輟朝成服苑中贈尚書令兼中書揚荆
冀三州牧封燕王諡曰榮陪葬永厚陵徽宗改吳王頥天資頥
異尤嗜學每講一經終遣講官器幣服馬工飛白善射好圖書
博求善本神宗嘉其志尚每得異書亟馳以示嘗賜方圓玉帶
頥辭乃爲製玉魚以別諸王是後踵爲故實子孝審嗣終寧國
軍節度使晉康郡王孝錫終嘉州團練使贈永國公

頥初名仲格封太寧郡公進鄂國公樂安郡王進嘉王所歷官
賜畧與頥同神宗有疾二王日侍內庭間上起居蔡確與邢恕
謀密語后姪高公綸公紀使白太后延安幼冲岐嘉皆賢王公
綸驚曰君欲禍吾家耶亟令去恕知計不行反宣言后意屬雍
王旣而珪以后言上自有子定議立延安是爲哲宗令二王無

輒入後累更節度使徙王曹荆位至太尉薨年三十三贈太師
尚書令荆徐二州牧封魏王諡端獻徽宗改封益頤端重明梓
少好學長博通羣書工飛白篆籀賓接宮僚歲滿當去輒奏留
久者至十餘年頗好醫書手著普惠集効方且儲藥以救病者
子九人孝哲右驍衛將軍早亡孝奕彰化軍節度觀察留後贈
司空平原郡王孝參奉國軍節度使改寧武武勝封豫章郡王
孝永邢州觀察使贈司空廣陵郡王孝始孝誠孝悅孝穎孝愿
皆至節度使

神宗十四子八皆早亡第九子秘初授山南東道節度使封儀
國公哲宗立加以殊禮進開府儀同三司大寧郡王加封中王
歷太傅太師京兆真定二尹荆揚太原興元三牧徙王陳崇寧
五年薨輟朝七日贈尚書令兼中書令徐州牧封燕王諡榮穆

加贈侍中改封吳王子有奕武信軍節度使封和義郡王

第十子僎第十二僎初授僎定武軍節度使忠國公僎武成軍節度使祁國公哲宗立並加開府儀同三司封僎成寧郡王僎永寧郡王進封僎莘王僎睦王徽宗朝俱歷太保太傅復進僎衛魏燕三王僎定鄧越三王靖康元年同遷太師僎河東劍南西川節度使成都牧僎永興成德軍節度使雍州真定牧上皇幸青城父老邀之不及道遇二王哭曰願與王俱死徐秉哲捕爲首者戮之送金營道卒

第十三似初授集慶軍節度使封和國公進普寧郡王元符元年出閣封簡王與哲宗同母哲宗崩向太后議所立章惇以似對后曰均神宗子何必然徽宗立加似司徒改鎮武昌武成徙封蔡拜太保移節保平鎮安鳳翔雄武以王府史語言指斥送

大理驗治似上表待罪左司諫江公望奏親隙不可開開則言可離貳疑迹不可顯顯則事難磨滅陛下初得天下章惇嘗持異議蔡王年雖幼小恬然不以爲恤今乃以曖昧無根之語加諸至親骨肉之間豈治平之美事耶臣願陛下審詔有司今若此類勿形案牘倘有瑕可指陛下將以何顏見神考於太廟乎疏入徽宗頗思其言止治其左右崇寧中又改荆南武寧罷贈太師尚書令兼中書令冀州牧封韓王改楚王謚榮憲子有恭定國軍節度使永寧郡王

徽宗三十一子其六早亡欽宗弟楷初名煥始封魏國公高密郡王進嘉王重和元年帝親策進士楷時亦赴廷對有司擢爲第一帝不欲楷先多士遂以王昂爲榜首凡歷十二節度使母王貴妃方有寵超拜太傅改王鄆仍提舉皇城司出入禁省不

限朝暮於外第作飛橋復道通往來北伐之役將以爲元帥會
白溝失利而止欽宗改鎮鳳翔彰德軍與諸王皆北還

樞初封吳國公建安郡王進肅王凡歷六節度金人圍京城要
親王爲質與張邦昌同出使爲幹離不所留

杞凡歷四節度使檢校太尉太保冀國公加開府儀同三司文
安郡王進景王靖康改京南鎮東二軍遷太傅從幸青城及上
皇出郊日侍左右上皇製發願文述祈天請命之意以投杞不
得已涕泣而行然已無及向北時鬚髮盡白

杞凡歷四節度使檢校太尉太保魯國公開府儀同三司封安
康郡王進濟王靖康改元授護國寧海二軍遷太傅同景王杞
爲賀金正旦使又與何桌爲請命使金帥給以自古有南師有
北不可相無今請與上皇相見所欲惟割地而已杞還以自上

欽宗聽之相從至金營金人索諸王家屬相夫人曹氏已出避
徐乘暫復捕拘之遂同北去

棣歷四節度使檢校太尉太保徐國公開府儀同三司封高平
郡王進徐王

樛歷五節度使檢校太尉太保冀國公開府儀同三司封河澗
郡王還太保進沂王北還後與駙馬劉彥文告上皇左右謀變
金遣人按問與莘王植駙馬蔡儵等辨折坐誣伏誅

杕歷靜江武定軍節度使檢校太尉太保廣國公開府儀同三
司封南康郡王靖康改元徙瀛海安化二軍加太傅進封和王
北還遺女一人封樂平縣主出適杜安石

榛歷建雄安遠軍節度使檢校太尉太保福國公開府儀同三
司封平陽郡王靖康改元還太傅進信王北行至從源亡匿真

定境中時和州防禦使馬擴與趙邦傑聚兵保五馬山砦陰迎
榛歸奉以爲主兩河遺民間風響應榛遣擴詣行在奏邦傑忠
義聚山西諸砦鄉兵約十餘萬力與賊抗皆苦窘乏兼闕戎器
惟望朝廷遣兵來援願委臣總大軍與諸砦約日大舉決見成
功汪黃等疑其非真上識榛手書除河外兵馬都元帥擴爲馬
步軍都總管令總制諸砦二人終疑之將行密授朝旨使幾察
榛擴知事不成遂留大名不進金窩里盟擴憤急發兵攻諸砦
斷其汲道諸砦遂陷擴敗死榛與安康郡王握廣平郡王撻建
安郡王栾相國公挺瀛國公樾嘉國公懋儀國公桐昌國公柄
潤國公樅後皆不知所終

欽宗子誕政和七年生徽宗喜有嫡皇孫除常德軍節度使封
崇國公王黼謀傾蔡京言以東宮比人主降爲高州防禦使靖

康元年遷檢校少保昭慶軍節度使大寧郡王尋進少傅改領
寧國軍立爲皇太子二年上幸青城命孫傳謝克家輔以監國
稱制行事未幾諭太子出城統制吳華力請留欲以所募士微
服衛太子潰圍以出傳不許乃謀匿民間別求狀類太子者殺
之并殺宦官二人給以欲竊太子投獻都人爭留相關併傷太
子遲疑不決者五日吳升莫儔督脅甚急范瓊恐變生以危言
警衛士遂擁太子與皇后共車以出百官軍吏奔隨號泣太學
諸生擁拜車前哭聲震天但聞呼云百姓救我遂與帝俱北後
帝在北又生次子訓有碭山人留遇僧者金人言其貌類訓竊
自喜幸紹興十年三京路通遇僧遂問淵聖第二子守臣追赴
行在過泗州知州孫守信疑之請于朝言在內廷無之詔劾治
伏罪黥隸瓊州後有自北還者始知小大王訓見居五國城

高宗子勇建炎元年六月生于南京九月己亥授檢校少保集
慶軍節度使封魏國公帝初幸臨安遇苗劄作亂逼帝禪位改
元明受伏誅後立爲皇太子從幸建康患驚悸薨諡元懿

孝宗子愔初名愉與同母弟愷並授右內率府副率轉右監門
衛大將軍上爲皇子愔領榮州刺史蘄州防禦使愷貴州團練
使受禪超越故事躡除愔少保永興軍節度使封鄧王以章異
數乾道元年立爲皇太子冊廣國夫人錢氏爲妃生子挺詔增
東宮從衛太子謙讓從其奏并捐月給雜物三年秋病賜上救
之爲赦天下薨年二十四諡莊文愔爲人質厚上皇與帝皆愛
之除醫官杜楫名編管瓊州禮官議帝期服以日易月文武百
官衰服一日而除東宮臣僚齊衰三月臨七日而除比葬帝再
至東宮命宰臣奉諡冊大小祥皆以執政官行禮愔子挺甫辟

除福州觀察使封榮國公乾道六年自東宮出居外第九年卒
贈武當軍節度使追封豫國公寧宗時立太祖九世孫希璫爲
太子後賜名楷官右千牛衛將軍忠州防禦使更名思正置府
教授

愷自雄武軍節度使開府儀同三司封慶王莊文薨愷以次當
立帝見其福氣差薄乃越次竟立光宗加愷雄武保寧二軍節
度使封魏王出判寧國封妻莘園夫人韋氏韓魏兩國夫人以
示優禮命宰執設祖玉津園王登車願謂虞允文更望相公保
全比至奏許入朝天申節在都究心民事委長史司馬主錢穀
呈訟牒依擬判決增士人貢額築圩田之隳圯者詔嘉之淳熙
元年徙判明州屢輟邑租贍學得兩岐麥園以獻再詔曰汝勸
課藝植農不游惰宜獲瑞麥之應爰改鎮荆南集慶永興成德

等軍江陵尹雍揚二州牧七年薨年三十五帝素服發哀於別
殿贈淮南武寧軍節度使徐揚二州牧諡惠憲素性寬慈爲上
皇所愛每念之賜賚不絕泊二郡有仁聲四明父老乞建祠立
碑以紀遺愛于攄左千牛衛大將軍早卒柄生於明州授右千
牛衛大將軍母卜氏封信安郡夫人性早慧帝愛之將內禪除
耀州觀察使封嘉國公光宗立改許國公寧宗又封徐國公慶
元初進吳興郡王開府儀同三司領昭慶軍節度使開禧二年
薨贈太保封沂王諡靖惠子玟天無嗣詔立宗室希哲子爲後

賜名均

均初授千牛衛將軍置小學教授以訓之改賜名貴和進福州
觀察使寧宗復失景獻立貴和爲皇子賜名玠授寧武軍節度
使封祁國公嘉定十五年加檢校少保進齊國公十七年玠生

予詔告天地宗廟社稷宮觀賜名銓授左千牛衛大將軍凡三
月銓薨時史彌遠當國擅權竑不能平頗惡之常書字於几曰
彌遠當決配八千里其左右皆彌遠腹心亟走以告彌遠大懼
知竑好鼓琴買美人知書善琴者納諸御而厚廩其家使矚竑
動息輒以告竑喜其慧黠之宮壁有輿地圖常指瓊厓曰他
日得志置老賊於此又呼爲史新思言非新州卽恩州也彌遠
聞之因七月七日進乞巧奇玩以覘之竑乘酒墜於地彌遠大
懼日夕思所以處竑顧竑不知也時理宗同在廷亦後沂邸賜
名昀一日彌遠爲父飯僧淨慈寺獨學錄鄭清之在與登慧日
閣屏人語曰皇子不堪負荷聞後沂邸者甚賢欲擇講官君
其善訓迪之事成彌遠之坐卽君坐也然言出於彌遠之口入
於君之耳若一語洩者吾與君皆族矣清之拱手謝不敢乃以

清之兼魏忠憲王府教授。日教昀爲文。又購高宗字畫俾習焉。清之上謁彌遠。卽以昀詩文翰呈以呈。所以譽之不吝口。彌遠曰。吾聞其賢已熟。大要竟何如。清之曰。其人之賢。更僕不能數。然一言以斷之曰。不凡。彌遠頷之再三。自是廢立之意益堅。寧宗崩。彌遠遣清之往告昀。以將立之之意。再三言之。昀默然。不應。清之曰。丞相以清之從遊久。故使布腹心。今足下不答一語。清之將何以復命。昀始拱手徐答曰。紹興老母在。清之以告彌遠。益相與歎其不凡。是日竝跂足以需宣召。久而不至。彌遠在禁中。遣快行宣皇子。令之曰。今所宜是沂王府皇子。非萬歲巷皇子。苟誤則汝曹皆處斬。竝不能自巳。屬目牆壁間。見快行過其府。不入。疑焉已。而擁一人徑過。天已暝。不知爲誰。甚惑。昀旣至。彌遠引入樞前。舉哀畢。然後召竝。竝聞命亟赴。至則每過宮。

門禁衛拒其從者。彌遠亦引入樞前。舉哀畢。引出。命殿帥夏震守之。既而百官皆至。聽宣遺制。引竑仍就舊班。竑愕然曰。今日我豈當更在此。震給之曰。未宣制以前。當在此。宣制後。乃卽位耳。竑以爲然。未幾。遙見燭影中一人已在御坐。問門贊呼百官拜舞。竑不肯拜。震捧其首下拜。皇后矯遺詔加竑開府儀同三司。封濟陽郡王。判寧國府。理宗加少保。進封濟王。妻吳氏。許國夫人。九月丁丑。克醴泉觀使。遣就第。寶慶元年正月庚午。湖州人潘壬與其兄甫弟丙潛通李全謀。起兵立竑。謀洩。彌遠更易師期。竑聞變。匿水竇中。求得之。擁至州治。以黃袍加身。竑號泣不從。不獲已。戒約勿傷太后官家衆。許諾令發軍資庫金帛會子犒軍。守臣謝周卿率官屬入賀。僞爲李全榜揭于門。數彌遠擅廢立罪。今領精兵二十萬水陸進討。比明視之。衆不滿千。皆

太湖漁人及巡尉兵卒竑知其謀不成乃率州兵致討遣王元春告變于朝彌遠命殿司將彭任往討至則已平矣彌遠忌欲殺之令竑稱有疾遁門客秦天錫宣醫往治丙戌天錫詣竑諭旨逼縊之計聞輟朝賜銀絹會子貽少師保靜鎮潼二軍節度使降封巴陵郡王給事盛章舍人王璽希意繳還命遂寢李知孝復奏追奪王爵降封巴陵縣公端平元年詔復竑官爵有司檢視墓域以時祭祀吳氏請爲尼賜慧淨法空太師紹興府月給鉢錢百貫景定五年度宗追復節度使德祐元年常椿請立後嗣王應麟又奏更封大國表墓賜諡命太宗正禮部議贈太師尚書令加封鎮王諡昭肅賜其家用萬畝遣應麟致祭仍以沂州觀察使貴謙繼沂王後封天水郡開國侯加食邑并太保淳祐十二年薨詔以右千牛衛上將軍乃猷領蘄州防禦使奉

沂王祀

冊曰太平天子奮起小宗甫及兩傳天誘其衷若考若皇
紛以自紅至神始定大命將終鑒觀嗣孕可以指蹤

弘簡錄卷一百七十五

系屬 宋八之三

趙湘

士

士魯士時

不羣

不試不棄

善湘

善俊

汝述

汝談汝儻

子瀟

訓之

孫彥德

彥

與惟

與憲

希館

令晟

量之以後

士盛

士醫士真

叔皎

叔憑

伯振

聿之

師愼

時賞

希伯

與擇

良淳

孟壘

孟衆

趙湘字巨源以宗姓居華州登甲科歷遷著作佐郎知新繁以

吏最知商州徙隴州興元府再遷太常博士上補政忠言十篇

召判宗正寺賜白金言元德李太后母育聖躬請祔太宗廟室

後用其說假禮部員外郎爲冊夏德明官告副使權殿中侍御史權判三司勾院言漢章帝以明令冬至之後有順陽助生之文無鞠獄斷刑之政自此定令毋以十一月以後報囚今季冬乃誕聖之月比前有異願詔有司留大辟弗決俟孟春臨軒閱視情可矜者貸之他論如法真宗曰卿言爲固善但慮繫囚益淹吏或因緣爲姦爾俄管勾南宮北宅事上書請封禪爲東京留守推官禮成遷侍御史昇州火命往致祠兼問民疾苦還奏轉運使劉焄知洪州馬景不職皆罷黜之改糾察刑獄刑部員外郎兼侍御史知雜事會上親製五箴自儆湘言宗室風化所本宜并以訓厲帝爲製宗室座右銘賜寧王元偓以下并及湘因奏文武常參官多後時望敕正主者稽察晚至以懲其慢託病不朝者罪之祀汾陰爲考制度副使請如周官置王訓錄所

過州縣山川與俗好惡日上奏御尋判宗正寺歷遷太常少卿
知襄州改應天進右諫議大夫復知河南升集賢院學士以疾
徙虢州卒

太宗五世孫士晤字公美天資警敏孩幼儼如成人比冠爲右
監門衛大將軍貴州團練使北遷次洛州東與諸宗謀劫上遁
還未就而金人圍合士晤等皆散走遲明抵武安邑官聞其皇
叔來謁資以衣冠鞍馬士晤因募得少壯百餘從至磁州招集
義兵旬日間得勝兵五千歸附者數萬會金兵圍洛洛守王麟
欲叛降金軍民怒殺之推統制韓一爲主士晤夜半薄城下力
戰破圍翼日入城礪將士死守部分守禦敵治壕塹樹鹿角城
中飛礮碎之又以計生得其首領敵乃解去以功權知洛州兼
防禦使建炎二年金人再犯洛糧盡援絕士晤度不能守乃擁

衆出城由自家灘抵大名府得赴行在紹興五年遷泉州觀察使平海軍承宣使知南外宗正事時泉邸新建向學者少奏乞宗子善文藝衆所推譽者特免文解由是人知激勵遷節度使未拜而卒年四十六贈少師追封和議郡王諡忠靖子不流帥臨安紹興治皆有聲士褒字立之仲御第四子幼有大志好學善屬文初補右班殿直累遷忠州防禦鄭州觀察寧遠軍承宣使權同知大宗正事請於孟太后命大元帥康王得承制便宜行事又請奉王承大統太后從之高宗卽位除光山軍節度使扈蹕南幸論黃潛善等誤國罪斥知南外宗正事會苗劉亂易服入杭封長子不凡股納蠟書馳告張浚趣其勤王復遣呂頤浩書勉以同濟國難事平加檢校少保母憂起復除大宗正序位安定郡王之下以定策功加檢校少師開府儀同三司入

觀勸留意恤民。金人既歸河南地。命士褒與張燕同謁陵寢。且令修奉。以岳飛濟其役。道武昌。出蔡頴。河南百姓。惟迎夾道。且喜。且泣。曰。久隔王化。不謂今日復爲宋民。紹興九年五月至永安朝陵。禮畢。陵前澗水久涸。復湧。父老驚歎。以爲中興之兆。遂入柘城。釁荆棘。隨所葺治。而還。特封齊安郡王。以旌其勞。尋權主濮王祠事。請復宗室。賜予詔。總麻袒免親任環衛官。而身亡者。賜錢有差數。言事忤秦檜力辨。括飛被誣。願以百口保飛。無他。又言。今中原未靖。禍及忠義。是忘二聖不欲復中原也。檜大怒。諷言者論以交通蹤迹。詭秘事。切聖躬。奪其官。万俟卨復希旨連擊之。謫居干建凡十二年。薨年七十。帝哀之。贈太傅。追封循王。六子皆進官。不凡始以復辟功。轉兩官。易文資。又徙趙。哲收復建州。殺葉濃。賜爵二級。不議改文秩。不恤易環衛官。不

尤有武力靖康之難與王明募義兵借金人戰于雄張河南北盜皆避其鋒曰此小使軍也高宗卽位引衆歸補武翼郎從岳飛平湖寇飛死拾奪其兵遣守橫州而卒子善悉進士登第累官敷文閣直學士兩浙轉運副使士穹字仰夫以廢補官累轉太子率府副率建炎初從隆祐太后幸洪州敵奄至躬負二帝御容而走遇潰兵數百饑餓欲聚爲盜士穹諭盜不可爲孰若奮勇而前州縣可以仰給不惟免今日之困將不失後來之賞是一舉而兩得也衆咸聽命走謁太后虔民復作亂鄉兵與官軍相持士穹亟詣執政請太后賜赦曰人知免死庶可安集又請急諭城中安戢之太后從其言城中遂定遷右監門衛大將軍惠州防禦使卒贈建寧軍承宣使追封建安郡王六世孫不羣字介然宣和中試授承事郎靖康初宰章丘縣章丘當

山東河北之衝不羣募效用五千人增城浚濠爲嚴守備敵攻
圍兩月不能下遷雍州通判陞直祕閣通判鎮江辟克兩浙宣
撫司主管機宜文字高宗在越改判郴州時羣盜出沒湖湘間
不羣嚴爲備禦盜不能犯岳飛破曹成遁犯郴州不羣乘城
固守拒卻之進直寶文閣移知宣州軍需以時辦民不知擾進
秩二階知廬州鄆瓊叛擁之北去尋釋歸帝召見除知荆南累
遷兩浙路轉運副使卒于官 不試宜和末通判相州尋權州
事兼主管真定路經畧安撫公事建炎元年知相州明年金兵
大入州久被圍軍民無固志諭以城中食乏外援不至吾爲宗
子義不降敵計將安出衆無有應者不試知事不可爲不得已
登城與金人約勿傷百姓金人許諾乃先納其家井中隨以身
赴井命提轄官實以土然後啓門州人皆免於死 不棄字德

夫紹興中以婦事秦檜爲江東運判檜忌鄭剛中不棄自言能制之除太府少卿四川總領不隸宣撫司至卽變趙開文移不用申狀改爲平牒剛中愕然遂有隙凡撫司所儲欲盡取剛中不與不棄怒劾其所辟利州轉運使兼本司叅議王陟罷之愈不相能又文致剛中在蜀服用踰制併名還得陞敷文閣待制知臨安踰年改工部侍郎尋除直學士知紹興未幾卒時浙東旱饑民多流亡檜兄子秦昌時爲提舉不棄言其悉心振恤全活甚衆亦得遷秩其婦檜如此 不惠字仁仲曾祖宗暉父士圓北遷遙拜集慶軍節度使不惠方七歲每思慕泣涕旣長力學母曹氏問之對曰君父讐未報非敢志富貴也登進士調金華丞治豪何汝翼編配他州邑人惛服法當超秩請回授其母故事止封令人高宗嘉其志特封郡夫人除不惠永州通判損

民輸米倍收之數辨靖州冤獄數百人德之繪像以祠。樞知開州開僻在巴東俗鄙陋不惠爲興學校明孝義郡有鹽井前守用所親爲監私其利不惠特罷之其利倍入郡計用饒以羨餘代民兩稅及天中節銀絹在開二年民絕鬭爭夜戶不閉諸司交薦以比古循吏轉夔州運判部使者以親故攝大寧鹽場不惠斥去之鹽獲羨餘爲易米三萬餘斛抵湖北市銀以代諸郡上供銀省緡錢十五萬餘收成都路轉運判官時米康軍都江堰不固數郡田陷于水歲屢饑不惠至首禁民遏糴盜米者貸官錢五萬緡遣吏分市米於旁郡下令曰米至矣富民爭發粟米價遂平然後按行江堰躬視版築繩吏奸慝令田主貸耕農富民賑末作老幼疾患者官爲粥以食全活數百萬黎州羗反制司調兵往戍郡當給餉不惠曰民饑不可擾也發糴餘米

濟之已而朝命攝制司初官兵屢敗前使遣人賂那結兒以和
不忍曰那結兒吐蕃小種也今且和若大族何不可會羌酋夢
東畜列率衆數千入漢地成都大恐不忍鎮之以靜夜遣步將
領飛山軍徑赴沅黎徙綿州兵戍邛爲後援戒以堅守勿動密
檄諸蕃部生獲吐蕃一人賞十緡死一人二緡於是邛部川首
領崖獲合諸部落大破吐蕃於漢原斬夢東畜列首來獻凡十
有六日而平廷臣薦其賢超授右監門衛大將軍惠州防禦使
知大宗正事進明州觀察使招慶軍承宣使金完顏烈來聘命
克館伴宴玉津園連射皆中使者驚服每以文行訓勉族屬薦
其秀傑者奏新學宮增廣弟子員倣太學校定法置自訟齋使
有過者讀書其中人咸感勵卒年六十七贈開府儀同三司封
崇國公不忍天性篤孝居官所至有聲立朝好言天下事見蜀

帥權重請復置安撫司相維而治論王抃不宜揀選諸路軍重
友直不可爲副都指揮尤人所難言者遇大旱一卧九疏勸上
求直言通下情宜如太上皇帝不罪布衣狂悖上導誓之座右
帝悚然嘉其忠諫每宴禁中顧謂皇太子曰此賢宗室也英國
公遣人借擊毬馬正色答曰上惟一皇孫萬一馬驚不可竟却
之所敬者朱熹張栻死爲謫諡又請用熹其好尚如此

七世孫善湘字清臣父武翼郎不恆從高宗渡江聞明州多名
儒徙居焉善湘初恩補保義郎登進士調金壇縣丞改知餘姚
差通判婺州嘉定初以招茶寇功赴都堂審察出判無爲軍累
主管淮南置制司公事兼知廬州以平固始寇功賜金帶知鎮
江封祥符縣男累權刑部侍郎知建康兼江東安撫使行宮留
守賜御儒花金帶進封子紹定元年以勦防江寧淮二軍及平

便宜從事四年進封侯及戮全露布上聞進兵部尚書知建康府兼任如故時善湘見范葵進取愧問接踵有請必應選諸子屯寶應以從范葵葵亦讓功督府凡得勝皆汝樵等握筆草報善湘季子汝祺彌遠珩也故奏無不達又以平閩寇功轉江淮安撫置制使五年復泰州淮安鹽城淮陰四城及策應京湖功進端明殿學士與執政恩例六年進光祿大夫知建康行宮留守加食邑四百戶以受金樞密副使納合買住降復盱眙軍泗壽二州功進資政殿學士賜手詔金器等物丐歸不許力請進大學士提舉洞霄宮封天水郡公加食邑御史劾之帝以善湘有功寢其奏嘉熙二年授汾海置制使兼知慶元改紹興兼浙

東安撫使淳祐二年手詔求所解春秋進觀文殿學士致仕卒
帝震悼輟朝贈少師賻物加等所著有周易約說易或問續問
易指要學易補過洪範統論中庸約說孟子大學解論語大意
老子解春秋三傳通議詩詞雜著藏于家 善俊字俊臣閩路
兵馬鈐轄不衰之子初補承節郎登進士換左承務郎調南城
丞改昭信軍虞允文薦其有禦邊才除幹辦詣司審計司知柳
州敷奏稱旨留爲大府寺丞尋知廬州括境內官田均給饑民
流入者貸牛種佃屋居之死者給以棺人至如歸州城嘗毀于
兵善俊葺完之募鄉兵保孤姥二山治屋以儲粟增築學舍新
包拯祠春秋祀之人感其化累遷龍圖閣直學士知建州繩生
子不舉者捐俸以助再知廬州首言和好不可恃浚城池爲備
禦計修農政復芍坡七門堰免屬邑坊場河渡羨錢百姓德之

父憂服闋知鄂州弛竹木稅發粟振民間古溝創火巷以絕災
患省燕遊車騎鼓吹之費以足用度再知建州饑民羣趨富家
發其廩或議調兵掩捕善俊曰是起亂也諭許自新平米價民
乃自定邑尉希賞獲盜十三人悉坐死善俊爲辨其寃徙知隆
興移江西運副朝議減月椿錢善俊言宜一路通裁其額下之
漕臣科郡縣輕重均減之若但及州不及縣則縣仍迫取於民
猶不減也又奏和買已是自科從而折變其數反重於正併乞
蠲減黥卒遇赦還者刺充傭兵可除民害所言多見用轉湖南
帥代輸潭州經總制錢倅醴陵潞水渡錢又言郴桂地絕遠守
多非才宜精其選加秘閣修撰移知鎮江母憂終喪卒年六十
四善俊風儀秀整喜功名好論事孝宗英武獨運缺相者累年
極言相位不可無人尤人所難言者 善俊字靜之父不倚早

卒撫育諸弟備至自幼敏慧力學試禮部第一調昌國簿攝邑
事勸編戶裒金買田以助嫁娶喪葬捕得海盜守欲上其功善
譽曰柰何以人命希賞守益賢之薦授兩浙運幹知臨川縣罷
民預借園籍發逋征催率以時辨轉通判常州史浩言其賢詔
赴部堂審察累遷大理丞湖北提舉常平茶鹽會大旱通融諸
郡計戶振貸嗣歲麥禾倍收民爭償納奏罷稅場十餘渡四十
五民便之諸郡傳田委郡文學董其入以給計偕者移潼川路
提刑轉運判官威惠並孚遂寧守徐詡乏廉聲善譽劾罷之以
美貲給諸郡置莊民生子及媛者俱給米宗子寓蜀者卽郡庠
二學以教人知感勵於官廉靖自將乞祠歸處一室圖書自娛
卒年四十七生平著述甚多有易說深爲郭雍朱熹所取

八世孫汝述字明可曾祖士說北遷臨河爲敵而死汝述登淳

熙進士調南劍州順昌尉應詔上封事論議懇惻嘉定間主管
官告院常兼宰士爲時相所親躡躋通顯累遷將作少監權侍
立修注官除起居郎兼密院都承旨俄遷兵部侍郎立朝薦引
多知名之士母憂服闋改刑部遷尚書知平江府卒知者多以
趨時少之 汝談字履常恩補將仕郎登進士周必大奇其文
語施師黜曰是將有大名于世佐丞相趙汝愚定大策欲驟處
以詞掖力辭持祖母服上疏乞留汝愚斬韓侂冑陳自強遂罹
黨禍被斥尋調安慶教授添差浙東安撫司幹辦公事母憂免
喪叅政李璧薦試館職擢正字適吳曦叛或欲就立曦爲王汝
談詰曰孰言王曦者可斬也復坐罷主管崇道觀添差通判嘉
興與郡守王介志合遷知無爲軍興光州守柴中行安豐守陸
峻俱稱循吏金方內變獻料敵備邊二策

語載弘道錄

所言皆驗明

若筮龜歷湖北江西提舉常平賑餒盡力改知溫州兼外宗正
作詩勸勉族屬寧宗崩以哀痛得疾賀理宗表多寓規誡陳碩
曰此諫書也數句祠彌遠不與杜門著述端平初以禮部郎官
名對言願倚用老成廣集忠智訪求衆美之原辟取可行之策
以防積蠱之蠱而成終泰之功凡大佞似忠大姦似聖未可信
向而擢任之始雖未見其失久乃淺至差訛使綱維之臣執議
堅凝反疑其侵權議論之士言之煩瀆反意其賣直至是則不
特是非邪正易位而黜陟予奪多失中矣又曰外之得以望吾
聽雖吾目擾吾天君者以吾未得虛一而靜之理也苟得之疑
然湛然導我聲色孰能入之投我寶貨孰能中之扇我功名孰
能干之哉尋改秘書少監權直學士院反覆言戰不可輕和尤
非計時收復三京汝談獨有憂色未幾洛師敗人服其先見遷

宗正少卿兼崇正殿說書言漢元帝恭儉無過惟以優柔不斷漢業遂衰俄權吏部侍郎升侍讀以所註易進講言履畝稱耜非便迂時宰意京師軍變宰相乞貶秩汝談草答詔有貶秩易審舉措難之語宰相滋不悅罷奉祠起知婺州召赴行在權禮部侍郎直學士院復推廣前說言若行臣策於開禧未用兵之前決不至罹今日之患其論楷法尤中時弊上稱歎久之權給事中終刑部尚書平生天資絕人爲文章有天巧篤於倫誼而忘仇怨御史王益祥嘗劾之後官其鄉益祥愧不敢見汝談數枉過之自少至老不離書冊嘗與朱熹訂疑義數十條熹亟稱之論易本爲占者而作書二典宜合爲一禹功只施於河洛洪範非箕子之作詩不以小序爲信禮記雜出諸儒之手周禮直傳會女主之書要亦卓絕特立之見嘗論韓非李斯皆有荀卿

之才。惟其富貴利欲之心重。故世得而賤之。獨卿能守其身。不
苟希合。士何可不自重哉。所著有易書詩論語孟子周禮禮記
荀子莊子通鑑杜詩註。汝儻字蹈中。少儻與汝談。齊名葉
適。嘗過其家。勸之以學。遂折節讀書。恩補承務郎。歷泉州市舶
務。利州大軍倉進監。行在右西藏庫。坐爲趙汝愚訟。寃廢黜十
年。嘉定初。復登進士。爲大社令。歷將作監簿。大理司農二丞。復
與彌遠不合。改江西提舉。常平尋提點刑獄。瑞州大姓幸氏貪
徐氏田。不可得。因強取其禾。誣徐以殺婢寃。獄徐訴寃。汝儻論
幸氏反坐。黥竄之籍其家。幸氏急走告中宮。徙汝儻湖南。既至
表直臣龔夬墓。劉陽豪民羅氏奪民田。復懲以法。還知溫州。改
漳州。奏蠲經總制無名錢五之二。民病少甦。未幾卒。汝騰字
茂實。居福州。登寶慶進士。歷官籍田令。名試館職。授秘書正字。

陞校書郎史館校勘輪對言節用先自乘輿宮掖始累兼玉牒所檢討官直煥章徽猷寶文三閣江東提點刑獄知溫與婺州入遷起居中書二舍人陞起居郎同修國史實錄院修撰遷禮部侍郎兼侍講權工部尚書論罷復名爲禮部尚書兼給事中入對言陛下有用君子之名無用君子之實前後姦諛之臣傷害賢自取穹官要職何益於陛下而深損于聖德興利之臣移東就西順適官禁自遂豁壑無厭之欲何益于陛下而深戕於國厥陛下私惠羣小之心可以息矣兼直學士院拜翰林學士知制誥辭歸故里屢召力辭以龍圖閣學士知紹興府浙東安撫使召至闕復以端明殿學士提舉祐神觀兼學士承旨知泉州景定二年知南外宗正事卒

子瀟字清卿秦王後孝靖公令與之子七歲而孤家貧力學登

進士調真州刑曹掾與守爭獄事胡唐老奇其才改衢州推官
繕完城具苗劉兵至不能攻以功累官吏戶二部郎中總領江
淮軍馬錢糧諸司饋餼悉歸之公帑除直秘閣兩淮運副力止
檢括沙田蘆場槩增租額時太湖爲患浚常熟東柵至雒浦入
于涇谷鑿福山塘至尚市橋北注大江分殺其勢水患用息除
直敷文閣知臨安禁權家僮人子女爲僕妾吏不能欺詔權戶
部侍郎陞華文閣待制復知臨安調三衢卒修築都城不擾而
辦金亮淪盟滿獻助軍錢十五萬幸建康充行宮留守叅謀官
扈蹕還復知臨安金人議和滿謂事情叵測宜待以軍禮孝宗
志圖恢復滿朝夕練兵習爲鵝鴈魚麗等陣陳於便殿上臨觀
賜以金帶擢沿海制置使移知明州劾舊守趙善繼治郡殘酷
罷之海寇通郡胥豪猾爲囊橐匿其縱迹因而大熾商舶不通

滿至則延土豪分道率猾胥入海嚴加約束羣奸震恐賊悉擒獲海道遂平陞直學士知福州歲饑告糴旁郡米價頓平進龍圖閣學士移泉州發奸擿伏吏妻悍殺其妾磔而貯之以缶事久不直滿廉得其情獄始決卒年六十六

訓之字誨道秦王五世孫惠州防禦使叔侯之子登進士調東平儀曹擢知吳縣以忤朱勔移疾歸建炎三年起知永豐孟太后幸虔護衛杜彥叛後軍楊世雄應之將犯永豐訓之與尉陳自仁伏精兵以誘賊分其衆爲二一取間道竄賊後一據地利賊至伏發殲之會賊別校繼至官兵未成列訓之拒戰與自仁厲聲罵賊遂俱被害事聞詔贈朝散郎直秘閣諡思果自仁通直郎官其子邑人爲立祠 孫彥櫛字文長登進士調樂清尉大旱令循故事禱雨而責租益急櫛曰損歛已責可以招和氣

何禱爲已而果雨遷福建路運幹屬邑負振鹽本錢累歲不能償儲白于使蠲數千萬慶元初知晉陵歲饑振恤有方活二十萬衆以羨錢代五等戶輸擢監登聞檢院以不附韓侂冑出知汀州汀民葉姓者嘯聚汀贛間遣將捕戮之遷廣西提刑諸郡器官鹽取息之六以奉漕司後增至八分儲請復其舊以蘇民力朝廷從之侂冑死召爲戶部侍郎兼審院檢詳時將併遂與兵議者儲每見帝必言才難且曰士方以儒學廢今又以兵端斥苟欲銅士何患無名遷湖廣總領別置籍書士卒物故者持之三年掛虛籍者盈三萬減餉至百萬緡用度以饒比去餘七百萬而諸路積逋猶四百萬盡蠲之知崑山並大海盜出沒莫可縱迹儲奏分其半置嘉定縣屯兵以守轉寶謨閣待制卒于官年七十一

彥呐字敏若居彭州少以材稱登四川類試吳曦叛結義士殺
偽夔守祿禧由是顯名嘉定十二年關外西和州新被兵制使
安丙檄使經理金人再至戰却之在州五年得軍民心轉提點
刑獄尋遷沔帥有論其大言無實坐奪節制寶慶元年移帥興
元會鄭損棄四川退保三關彥呐力爭之不勝罷歸又五年值
桂如淵代損起彥呐爲四川制置副使加直龍圖閣更李埴黃
伯固皆佐之端平元年陞正使兼知興元府丞相鄭清之趣其
出兵以應入洛之役不從泰輦聚汪世顯久求內附彥呐爲力
請數四清之亦不從三年金兵大入至三泉退保大安復圍青
野原彥呐大敗貶衡州其子洗夫亦竄嶺南史嵩之留之江陵
兩年卒

理宗兄與權字悅道燕王八世孫登進士調會稽尉改建寧州

戶參軍中明法科攝浦城縣丁父憂作善慶五規示子孫免喪
遷大理評事轉對言天變民情國威三事請擇憲臣詳覆死囚
可矜者卽與鞠正免致瘐死上千和氣遷籍田令司農宗正二
寺丞以直寶章閣知安吉州權禁峻密與權首相以予民設鉅
于門欲愬者擊之冤無不直母喪屢起弗能奪久之爲宗正少
卿權知臨安剖決明暢罪者咸服值郊祀之夕大風偃上言國
本未定又陳弭盜固本之策言勸上峻刑任術者與權言導民
有本不可徒恃刑罰當效如臣等罪天府豈遽能及民惟其真
實相孚待以不擾人心本善有感必從又言今在朝迎合政出
多門必得智識氣節之士布列中外可也帝爲悚然嘉熙元年
召見便殿薦文武士四十人言韓琪當仁宗朝猶晝夜泣血今
禁衛虛籍襄蜀殘破可爲主憂臣辱矣防邊之道至爲深切宜

亟募兵置京口諸郡凡歛財先以贍軍餘始供上多見施用還
戶部侍郎兼權兵部尚書會星變乞罷願上祇畏天威思以實
德及民始自上躬痛加節約廣推賑恤疏凡五上中書方大琮
言與權素自潔修疏財輕爵乞俞所請使小大臣工皆知引咎
乃收一階尋復之又言此艱難不可爲之時當共慷慨厲志爲
人才兵力深省遷戶部尚書兼權吏部論楮幣自嘉定以一易
二失信天下屢稱提而折閱益甚請兩界並展十年勿議新造
責州縣毋以污損抑沮仍不立界限以絕民疑會詔又欲以端
平錢當五行使奏開禧幣以二當三何救於楮士大夫不潛自
奉法恪意扶持雖日易一法無裨於楮而國非其國矣又言今
風俗沈痼口仁義而身市井率以欺君爲常肥家爲樂乞別邪
正警媮惰獎用恬退質直之士以絕躁競浮靡之習內廷有關

於除授者必斥暗室有涉於謗議者必思清心寡欲以革酣歌
黷貨之風其機皆自陛下始因講筵畢上言卑政弛而尺籍不
明總兵者或緣功賞開釐隙內則班行惟求速化守牧類多貪
庸膏雨不降星變頻仍物價騰踊民僞士譟流移克斥邇者登
崇元老並建宰輔謂宜風采振揚而事勢若此士夫未必任天
下之責天下未必知陛下之志人才國用民力兵威願乘此機
加意根本勿徒困精神於除授老歲月於行移委公道於私情
付事功於無可柰何也手詔忠正廉勤無如卿者授端明殿學
士復知臨安盡力民事奏獄空都人稱趙端明必以手加額曰
趙佛子也使治江隄峻事句罷提舉萬壽觀兼侍讀會旱饑民
相携溺死上仍命知臨安府恩劍視執此與惟不得已涕泣奉
詔上則祈哀公朝下則推誠勸分申奏振救榜諭各全性命佇
弘簡錄

沐聖恩都人欣慰甘雨隨至米商亦集流移至者悉有以濟之
尋力求納祿授資政殿學士仍舊祠久之復知溫州政事必親
吏不敢欺刳木砦修貢院名對言爵祿之濫因及國本進春秋
解陞大學士薦士六十人言史嵩之老師費財私昵貪富不宜
復用請優恤其猶子璟卿并杜範劉漢弼徐元杰之家帝從之
又言天下事不堪再誤請以兵財分任輔臣時相忌之尋授安
德軍節度使開府儀同三司萬壽觀使日食言人才乏使賊吏
不悛民背流而南今流而北盜昔伏於遠今伏於近體認不真
賢否無別國將誰與立耶其言益切因中建儲之議帝爲改容
書安貧樂道植節秉忠八字賜之又賜泰卦詩忠邪辨寶祐元
年加少傅三年薨帝震悼輟朝賻賵治葬贈少師累贈太師追
封奉化郡王諡清敏爲人愛君憂國本諸天性手註六經及仁

皇訓典詳釋高宗寶訓要釋奏議詩文百卷凡月賜內帑悉辭不受嘗謂士大夫有貪聲則雖奇才奧學徒以蠹國害民故方歛之夕金帶猶質錢民家其廉如此有袁士宋斌少從黃幹李燔登朱熹之門學禁方嚴羈旅困沮年且八十與懽事以父行奏乞用旌禮布衣故事加恩錄之死葬西湖上歲一祭焉

與憇字德淵居湖州登嘉定進士主管官告院遷將作監簿知嘉興歷大宗正丞樞密院檢詳文字都官郎中司農少卿累直寶章煥章二閣出爲兩浙運判知慶元沿海制置浙西提典刑獄中書門下檢正諸房公事知臨安府主管浙西安撫司公事所至急於財利時稱聚歛臣權刑部侍郎戶部尚書兼詳定勅令官真拜吏部尚書淳祐九年加端明殿學士提領戶部才用許辟四官所置新倉賜名淳祐與執政恩澤加資政殿大學士

歷知紹興平江兼淮浙發運建康江東安撫使馬步軍都總管兼行宮留守節制和州無爲安慶三郡屯田兼權揚州開慶元年北兵大入除兩淮安撫制置使知揚州兼知鎮江淮東總領提舉洞霄宮復爲淮浙發運使差知平江致仕景定元年八月卒特贈少師

希館字君錫燕王後少名希蒔扶父喪道遇寇拊棺慟哭寇獲之而去學于陳傅良徐誼登進士釋褐汀州司戶叅軍峒寇李元礪方起希館白于郡曰城守非計距城三十里有關曰古城若悉精銳以扼其衝賊不足慮也守卽以付之至則審形勢明間諜申令謹候分畫粗定賊已遣諜窺關希館嚴兵預待陽以羸師誤之夜半賊數百銜枚突至官兵據險設伏矢石交下無一得免餘黨驚遁引還城中老稚羅拜相屬事聞陞推官治起

獄決幣訟。憚下邑弭亂卒去之日。軍民遽道泣送。調夔路轉運
帳司疏大寧廩井利病使者。上諸朝。召對言四蜀銓選科舉之
弊。又言方今民力困于貪吏。軍力困于偵帥。國力困於歸附之
卒。浮冗之費。寧宗嘉納之。歷除大理宗正二丞。權工部郎官。言
宗姓多貧而貪吏受賕亡藝。始生有訓名爲人。後有過禮皆莫
敢自陳。悉請罷之。俄換南班。授吉州刺史。提舉佑神觀。請同朝
士得輪對首陳今日多事之際。未有辦事之人。朝紳本清選。以
緘默爲清重。刻薄爲舉職。無所可否爲識體。閭寄本重任。以大
言爲有志。使遇爲知恩。臣非敢厚誣天下以爲無人。患在選擇
未得其道。器使未當其才。爾尋轉成州團練使。賜金帶推恩進
和州防禦使。理宗加潭州觀察使。安德軍承宣使。初政引對言
急務莫先於明道化。總治統收人心。又論祠祭不獨禁衛不肅。

慈明宮上壽陞節度使封信安郡公卒上震悼輟朝賜舍欵金幣追封信安郡王希館風姿凝重喜稱揚善類不記人之過不忘人之恩居官祁寒盛暑未嘗謁告衣食裁取足而已

令矜兄令晟建炎初通判鄂州領兵戍武昌賊國瑋犯黃州縱掠而去令晟亟渡江存撫黃人始安李綱薦擢直龍圖閣知黃州奉詔修城六月而畢賊張遇丁進李成迭至俱擊却之孔彥舟又引兵圍城令晟率民兵固守六日乃解金人邀孟太后徑犯黃州時令晟已丁內艱去在道聞警復返夜半趨入城方嚴備禦城遽陷倉卒被擒金人欲令屈膝令晟不肯酌以卮酒覆諸地以袍加身裂之金人怒鞭之流血被面罵不絕口而死事聞贈徽猷閣待制諡曰愍黃州人立廟祠之時太后至太和衆皆潰幹辦官劉德老爲金追騎所殺金人過江陳淬戰死上

元丞趙鼎之帥鄉兵迎敵死之都監王遠判官吳源巡檢劉卓皆不屈而死俱贈奉議郎官其家各一人以下係忠節

士隆字景瞻太宗後初補右班殿直長爲郡縣吏累遷至淮南西路兵馬鈐轄駐壽春劇賊丁一箭衆號十萬攻城三旬不退郡守不知兵委士隆以備禦士隆募軍中敢死士張宣持槊總下擊殺數十人賊衆披靡隨選壯士數百夜開城門出其不意賊遂走追奔數十里以功遷三官授江東路鈐轄馬進圍九江城中僅罷卒數千士隆與守臣姚舜明及副轄劉紹先捍賊百餘日竭力守禦呂頤浩屯鄱陽遣統制巨師古來援中途遇伏而敗張俊逡巡未至食且盡舜明紹先議縱火棄城去士隆毅然獨糾合部曲餘民守城城破賊入大掠衆號呼無殺我趙鈐轄賊服其義欲授以僞安撫士隆大罵不屈裂帛書示諸子曰

義不苟活。汝輩得出爲我雪恥。遂仰藥而卒。年五十二。六子皆有文行。不怠不恣。不愆不隱。賊怒害及三子。并其家數十口。事聞上。嘉悼。贈武功大夫。官其孫二人。同時士醫官秀州兵馬都監兀朮入州。乘城拒戰。城陷死之後。贈武翼大夫。官其二子。士真權知信陽軍。與寇劉滿拒戰。兵潰被執。至荆門。遇害。後贈右朝奉大夫。官其一子。士道以武翼大夫守江州。禦馬進被害。贈武德大夫。官其家二人。士跋靖康末。爲右監門衛大將軍。吉州團練使。北遷。得閒遁。居邢州。結土豪將舉事事泄。金人執而殺之。贈保寧軍節度使。諡忠果。叔皎泰王四世孫。元豐中。爲右班殿直。累遷至德州兵馬都監。自靖康以來。劉頥呂拱劉亨相繼謀叛。皆設方畧捕擒之。建炎二年。金人圍城。率兵以禦。前後六戰。圍益急。有江詰者。謀與郡

守宗諒舉城以降。叔皎斬詰以徇。金人登城。猶力戰。勢窮被執。怒罵不屈。遂遇害。叔憑者。陝州都監。累官武翼大夫。金人圍陝。援兵不至。城危。其子官盧氏縣叔憑。遺以蠟書。言人臣當死國難。况吾近屬。可辱命耶。遂與通判王許職官劉效陳思道。馮經李岳杜開縣令張玘將佐盧亨等五十一人。同時俱死。無一降者。

伯振太祖八世孫。登進士。靖康末。爲鄭州司錄。叅軍捍禦有功。遷直秘閣。通判州事。建炎二年。金人犯鄭州。守臣董庠棄城走。城陷。率兵巷戰。中流矢。墜馬。遂遇害。事聞。贈朝請大夫。官其一子。聿之。安定郡王叔東子。建炎中。爲成忠郎。金人圍潭州。與帥臣向子諲率衆守城。所隸東壁。感慨流涕。務期自效。金兵登城。縱火子諲等遁去。城遂陷。聿之與將官武經郎劉玠巷戰。大

馬俱死事聞贈左監門衛大將軍玠武經大夫皆官其家朱熹
爲請立廟賜號忠節

師檟宗室子嘗以罪拘管西外宗正司提刑王夢龍知其智勇
可用委製軍器紹定中寇逼尤溪令師檟統卒數百往戍行日
大書于旗曰不與賊俱生人皆壯之寇至身爲先鋒迎敵于林
嶺與戰十餘合適所乘馬陷田中左臂斷以右手拔佩刀斬七
級力盡仰天大呼曰師檟報國死於此矣遂沒尤溪民於戰處
立廟樞密王楚請贈武節郎官一子進義校尉

時賞字宗白和州宗室居太平登進士知旌德縣德祐元年北
軍至境擁民兵捍戰有功陞直寶章閣益王卽位擢知邵武軍
時賞風神明俊議論慷慨有謀畧見知文天祥奏辟叅議軍事
除江西招討副使與宗室孟深提兵趣贛州取道石城復寧都

數以偏師當一面。戰比有功。每見同列盛輜重。餉姪傳嘆曰。軍行如春遊。其能濟乎。及空坑之敗。爲追兵所及。繆朝宗自縊。時賞與吳文炳。林棟。劉洙。皆被執。洙臨刑頗自辨。時賞奮罵不屈。叱曰。死耳。何必然。遂皆遇害。他僚屬係至者。輒磨去云。小小簽廳官。執此何爲。由是得脫者衆。希泊者。若宜春。歷官戶部尚書。廷賈似道出領廣東。轉運使德祐勤王。率潰卒數百道經廬陵。與從子必向從。天祥于贛。袁守藹嵩孫與希泊內嫺。說以納款。不聽。及兵敗。二人俱被囚。辭節愈厲。家人餵食。輒覆諸地。遂不食而死。

與擇孝宗諸孫嗣爲秀王。時議言其有劉更生之忠。曹王阜之孝。宜留輔佐。以隆國本。會益王立。王舅楊亮節居中秉權。與擇以國家新建。事多諫正。遂遭忌嫉。亮節與諸將俱憚之。德祐二

年北兵逼浙東瑞安受圍城中危急命爲浙閩廣察訪使與守
臣方洪共任備禦誓以死守小校李雄夜開門納外兵二人率
衆巷戰兵敗被繫董文炳欲降之厲聲曰我國家近親今力屈
豈忍求生遂與洪俱仗節而死贈少師追封臨海郡王

良淳字景程汝愚曾孫少學於鄉先生饒魯知立身大節及仕
宦所至以幹治稱未嘗干人薦舉初蔭泰寧主簿三遷至淮西
運轄拔考舉及格改知分寧邑劇俗尚譁訐良淳治之不用刑
戮不任吏胥民有敦孝者親尊禮之桀驁者繩以法俗爲少革
秩滿差權江西安撫使機宜文字除諸司審計院督江西餉陞
大理司直知安吉州安吉自李庚遁百事隳廢良淳至值歲饑
勸富人出粟語之曰使太守身可濟民亦所不惜其言懇切足
以動人。人皆倒囷以應與僚吏論所以守禦之備悉舉行之或

請以兵擊盜。嘆曰：民豈樂爲盜哉？時艱歲旱，故相率剽掠以苟活耳。乃諭之以義，皆投兵散歸。其不歸者，縛以獻。有掠人貨財，詣其主謝過，還之。加直秘閣。文天祥去平江，潰兵四出剽掠。良淳捕殺數人，梟首市中。兵稍戢已，而范文虎持書招降良淳，焚書斬其使。元兵至，率衆城守。東西門夜就焚，愁陣上不歸。時朝廷遣吳國定援宜興，不及返。良淳見其大言，請留戍已，而國定開南門納外兵，城破。左右勸良淳事已至此，宜爲自全計。良淳叱去之，遂還府，命家人出避，閉閣自經死。

孟暉，合州人。登進士，爲金華尉。臨安降，與從子由鑑懷太皇太后帛書詣益王，擢宗正寺簿監軍。復明州，戰敗，被獲，不屈死。

又孟彙者，福王與芮從子。方元兵駐紹興，孟彙謀舉兵，事泄被執。至臨安，范文虎詰其謀逆狀，訴曰：賊臣負國，厚恩共危社稷。

我帝室。胄欲。礪宗廟之恥。乃更以爲逆乎。文虎怒。驅出斬之。過
宗廟。呼曰。太祖太宗列聖之靈在天。何以使孟衆至此。都人莫
不隕淚。旣死。雷電晝晦者久之。